

NEWSPAPER CLIPPING  
PERDANA LEADERSHIP FOUNDATION

DATE 30/10/2009

UTUSAN MALAYSIA

# Senjata kimia beri kesan buruk berterusan

KUALA LUMPUR 29 Okt. – Penggunaan senjata kimia dan biologi dalam peperangan di Asia Barat mengakibatkan kesan buruk berterusan kepada kesihatan penduduk rantau tersebut.

Pakar radiasi, Lauren Moret berkata, kesan itu bukan sahaja dialami oleh penduduk di rantau itu bahkan menjejaskan rakyat di negara-negara sejauh Asia Timur dan Asia Tenggara biarpun jaraknya beribu-ribu kilometer dari negara yang diserang.

Moret berkata, proses pengayaan uranium bagi menjana reaktor nuklear terutama untuk menghasilkan senjata, akan menghasilkan kira-kira 70 peratus gas uranium oksida yang mampu dibawa angin sekali gus mengakibatkan rantau itu diancam pelbagai penyakit.

Katanya, pendedahan kepada gas tersebut dengan cara terhidu atau mengambil ma-

kan yang terdedah padanya akan menyebabkan pelbagai penyakit antaranya diabetes, Parkinson, Alzheimer, barah dan kerosakan otak.

UM - 30/10/09  
"Di China misalnya, jumlah pesakit diabetes meningkat lebih 20 peratus daripada seluruh populasi republik itu. Ia berlaku pada 2007 selepas serangan AS terhadap Iraq," katanya.

Moret berkata demikian semasa membentangkan isu "Perang dan Senjata Terlarang" yang turut disertai oleh dua ahli panel lain iaitu bekas Penyelaras Kemanusiaan Pertubuhan Bangsa-Bangsa Bersatu (PBB) ke Iraq, Denis J. Halliday serta saintis dari Iraq, Dr. Souad Naji Al-Azzawi pada Persidangan dan Pameran Menjenayahkan Perang di Pusat Dagangan Dunia Putra (PWTC) di sini hari ini.

Menurut Moret, penghasilan senjata de-

ngan keupayaan mencetuskan kemusnahan besar-besaran boleh menjadi punca kepada penurunan kadar populasi dunia menjelang tahun 2050.

"Ia juga bukan sahaja memberi kesan kematian secara langsung kepada mangsa tetapi turut mendatangkan kesan buruk yang tersembunyi.

"Selain membunuh mangsa yang terdedah kepada bedilan bom, pengeboman yang dilancarkan terhadap Iraq, Afghanistan dan Palestin turut memberi kesan kepada kadar kesuburan manusia, sekali gus mengakibatkan penurunan kadar populasi dunia," katanya.

Tambah beliau, akibat pengeboman tersebut, kadar kesuburan wanita di seluruh dunia akan berkurangan dengan setiap wanita secara purata hanya boleh menghasilkan dua setengah anak iaitu pada nisbah 1:2.5.